

物產志

朱紫陽曰萬物化生以形化者言也各一其性而萬物一太極也由是言之惟土之厚者自產乎物之備昌化僻處瓊西所出之物飛者潛者動者植者從乎土之所宜得乎物之所性而已
次物產

茉莉一朶可折為五東坡至昌有黎女含檳榔插茉莉戲書云暗麝着人簪茉莉紅潮登頰醉檳榔

昌化縣誌

卷三

乙

細花米一名賽木墀 石榴花四時花實不斷

佛桑花有紅粉二種俗呼為紅花 刺桐花俗以

先花後葉為豐年之祥每取其葉糞田 板枝花

又名木綿花李衛公貶崖州時唐人詩曰絳紗弟

子音書絕鸞鏡佳人相會稀今日置身歌舞地木

綿花發鷓鴣飛又云歛歛燒空出化爐一春花信

最先爭看花未暇評牛李且醉東風聽鷓鴣

荔枝野生黎崗實小肉薄味酸與他處園圃培植

者不同 龍眼如之 椰子昌獨難生成 芭蕉

即甘露子 綿花又云吉貝 檳榔合扶留葉即
萎及灰茶食之避腥消食除瘴土俗珍重此物交
接以為先婚姻以為定瓊之東路極盛西路亦有
之惟昌獨少 知風草俗名萎葉驗其節痕知歲
之颶風有無多寡 鷄翅木可為酒盃文頗痛見
水即裂無足取也 花梨木在昌徑大者甚少
黃楊木斜截有文可制梳箸 喜鵲舊無景泰年
間指揮自化州取雌雄十餘縱之迄今蕃育然昌
化止有一雙竟歲無一再見耳 秦吉鷄俗名鷄

昌化縣誌

卷三

二

哥哥而能言 鷓鴣自乎鈎輞格接又云行不動
哥哥 熊膽能消毒 蚺蛇能吞野獸 益智子
土人謂能解瘴消痰東坡有記云益智花實皆長
穗而分為三節其實熟否可候歲之豐歉其下節
以候早禾其上中亦如之大豐則實凶歲皆不實
蓋罕有三節並熟者 綿布黎崗織成文錦黎婦
穿黎幔金絲者為上郎衡志所謂黎錦黎單鞍搭
之類 海粉海雞所生寒時有之雨多則否
按萬曆三十三年奉文採金隨于次年封築嗟呼

斗太貧邑負此瓊聲以致張鳳等數百亡命結聚
二十餘年稽儋志在唐貢金及饒及香宋貢高良
薑及元豐銀嗚呼是其作俑者與今遺禍猶歲取
花梨沉香竹木翠毛魚油翎鱗滴珠襍皮翎毛魚
膠等則額載全書起運折色物料之例岱受事之
初即奉 檄嚴催梨香二供既明知非土產只得
通覓之隣封黎嶺深處重價始辦不誠難乎其為
歲輸哉今之錄物產者亦據舊志所載其實目未
經悉覩也

昌化縣志

卷三

三

古蹟志

錄坊表景德也紀墓址思古也若夫孟門者函
之險章華雲夢之觀君子不侈焉次古蹟

橋渡

拱宸橋洪武四年知縣董俊建 今廢

昌江渡春夏無水則涉秋冬水溢則渡

墟市

寧和市在南門大街 西門市在鎮海門外 俱廢

亭坊

觀海亭在西門外小嶺上正德初年知縣殷鐸立
今廢

觀河亭嘉靖八年指揮崔瀛為開河建今廢

却金亭士民為知縣潘世元建今圮

聖域坊 賢關坊 興賢坊為宋符確建

折桂坊為宋趙荆建 攀桂坊為符俊立

英雄坊為符進立 折桂坊為趙勉立

青雲坊為文中立

楊家坊 寧潮坊 波綠坊 新榮坊 居遠坊

昌化縣誌

卷二

四

諫垣坊傳為趙荆符確立但荆確不作諫官惟趙
獻曾任工垣疑為獻立也 以上今皆廢

義田二垣在縣南東二十里訓導黃鵬捐俸十二
兩置今荒廢

趙忠簡公鼎墓在舊縣治東外紀序云嘗觀胡澹
庵哭忠簡公詩詩有一堆黃土寄瓊島千古高明
屹太山之句因句中字誤每存疑似然未知的塚
所在也弘治壬戌予避亂適瓊士王國昌朝隆宅
夜話及此據國昌稱先年寄學昌化學臣臨考夜

宿昌化地名趙家村屋後有老叟焚香念經聞吾
讀書聲出問所從來者叟不覺於悒下淚詢其所
以荅曰吾河東解州聞喜縣人宋宰相趙鼎孫也
我祖因國事為秦檜所忌敗崖州身死不得歸葬
子孫流落在此聞諸君子書聲追思我祖不覺下
淚耳因指屋後傍山曰此山我祖墳墓在上俗人
以為交趾王墓非也衆聽莫不惻然已乃辭客就
寢黎明趨程不及觀其墓竊惟南渡時宋已失中
原河東皆為金人所有忠簡之喪不得歸葬老叟

之言必不誣也故記之而吊以詩曰澶淵蹕轍杏
難呼南渡乾坤兩手扶竄逐不妨青史路塚迷瓊
島未為狐郡志按史鼎本傳遺命乞歸葬明年得
旨汪應震傳鼎喪過郡為文祭之有曰事有定乎
蓋棺恩特殊子歸骨衢志載常山石門趙鼎墓翁
仲石獸見存而桐鄉之諭又如此蓋古之名賢墓
址數處亦其常也

進士符確墓在居侯村南里大塘上

兵防志

國家設兵凡以衛民也兵不足誰與衛吾民而
固我國者乎故子曰足兵此為政之大經也次
兵防

水陸二哨 烏坭營即楊威後營分哨防守昌化
建營城西哨官一員官兵一百名歷年奉裁至崇
年間實存兵六十三名英潮港七號哨船二隻
崇禎二年移守烏坭港口哨官一員兵四十八名
本朝裁革二哨官設城守官一員屬儋州防鎮委理
原經制水陸兵共一百三十二名每兵月銀一兩

昌化縣誌

卷三

六

在儋防奉府鎮按月大小支給每兵月米三斗在
糧道撥支何倉城守具結領回按月大小散給順
治十四年城守何玉移建公署于城內防兵入城
守禦康熙八年奉文立英潮營置百總一員安兵
四十九名共五十名護守歷年奉裁實存防縣兵
六十二名守營兵四十三名共一百零五名城營
內外互守

墩臺 康熙元年設直南羅臺一座十里水兵四
名 新港墩一座五里水兵六名 可賴臺一座

水兵四名 富豐墩一座五里水兵六名 小員
臺一座十里水兵四名 棋子灣墩一座五里水
兵六名 青嶺臺一座十里水兵四名 英潮墩
一座五里水兵六名 四更臺一座十里水兵四
名 馬嶺墩一座五里水兵六名 康熙八年奉
旨展界撤去新港棋子灣四更可賴小員五處留南
羅富豐英潮馬嶺青嶺五處

塘兵 昌營原縣前塘撥兵三名 新港塘撥兵
三名 永安塘撥兵三名 北黎塘撥兵三名共

昌化縣誌

卷三

七

六塘遞送公文

鄉勇哨兵 鎮海東西英德北岸南黎北黎抱驛
分七哨各設鄉哨官一員統束鄉兵以村場大小
為多寡擇鄉中勇健之人充之免本身襍泛差役
有警調發防禦

土舍黎兵 土舍二名所轄黎兵原無定額遇警
調發防禦平時約束熟黎把扼峒口要害

防兵洪武二十七年設所官一員督管鄉船于所
部海面巡視旗軍一百名備倭船三隻嘉靖年船

被賊掠軍亦罷設萬曆年設兵船二隻設防英潮
港七號哨船二隻旋議裁革

海寇附

永樂九年倭攻陷昌化千戶王偉戰沒百戶王昌
等追至潮州西頭灣獲之永樂十九年賊登昌化
卒劫殺捉百戶陳通朱弘問擬 宣德八年倭犯
昌化嘉靖九年海賊登昌化鹽場千戶王承祖等
追至魚鱗洲擒獲十四人嘉靖三十年賊張酋登
昌化推官涂邦佐督百戶李元機追至安海而還

昌化縣誌

卷三

八

嘉靖四十四年正月賊何喬等掠昌化英德等村
官軍戰敗著縣教諭王瞻之率鄉兵出禦嘉靖四
十五年四月賊吳平逼昌化焚掠鄉村三百餘家
隆慶二年陳高番等復下昌化擄英潮港指揮高
卓直前破敵擒殺吳德芳等十七人五年七月李
茂率衆南下兵憲史朝宜遣高卓督師追之八月
命高卓下昌卓以二小舟逐賊三十七舟殺賊首
五總及其部百餘人卓中賊礮令麾下被己衣甲
麾戰益力殺傷不計賊敗走昌化卓以瘡痛夜歿

海忠介有文贈其子維續文補載藝文志六年閏
二月賊許萬圍昌化知縣林應瑞率百戶薛元明
防禦賊夜三面夾攻生員林應魁持刀拒敵面被
創刺典史林祚射傷三十餘賊乃退李茂自為高
卓所挫已有降意萬曆元年四月詔赦李茂授李
茂名邑把總

原黎

黎著自古昔有此地即有此人矣漢元封始畧地
為儋耳珠崖郡唐故瓊管地也有黎婺山一名五

昌化縣誌

卷三

九

指諸蠻環居其下號黎人內為生黎外為熟黎山
極高黎人亦鮮識之久晴海氛清廓時或見翠尖
浮空下猶洪濛也相傳上有神人壽老逸樂不與
世接水分流四郡大川五出山嶺為昌化為儋州
逶迤而北為臨高為澄邁為瓊州府北出鐵砧婺
黎諸嶺支分為樂會會同文昌定安生黎不供賦
役質直犷悍不受欺觸囂頑無知不識姓名木弓
竹弦鉄鏃無羽出入不釋手器用土釜瓢瓢飲用
椒酒以擊鼓為樂以射獵為生以刻箭為信誓以

割雞為問卜或殺其父祖及鄉人易世必復結茆
為屋如覆盆上以居人下畜牛豕男文臂腿女文
身面椎髮額前烏言似桑而服布以單被穿中央
為貫頂結貝為衣兩幅前後為裙闊不過尺掩不
至膝髻插銅骨釵花幔纏頭戴藤六角帽女髻釵
上加銅環耳墜隨肩衣裙皆五色吉貝無袴襦但
繫裙四圍合縫穿而繫之名曰黎桶女子及笄置
酒會親女伴自施針筆涇為極細虫蛾花卉而以
淡粟紋編其餘地謂之繡面奴婢獲則否死不哭

不粥飯惟食生牛肉以為哀痛之至鑿圓木為棺
塋則舁櫬而行令一人前以雞子擲地雞子不破
處為吉穴與人貿易甚有信商人信則相與而至
親借貸不吝或負約見其同鄉人擒之以為質枷
以橫木必負者來償始釋凡負一緡次年倍責兩
緡倍至十年乃止熟黎舊傳本南恩藤梧高化人
多王符二姓言語皆六處鄉音從征至此利其山
水田地占食其間墾土開山負固恃險以先入者
為尚者同入共力者為頭目父死子繼夫亡妻主

有納糧當差之處有納糧不當差之處性習為橫
一言不合持弓刀相向其妻當中一過即解坐無
尊卑病則樵牛祭鬼喪葬則斬牛待客春則鞦韆
會鄰尚男女粧飾來遊攜手並肩互歌相答名曰
祚劇有乘時為婚合者父母率從無禁婚姻不避
同姓洪武元年大將軍朱亮祖南征遣使開諭土
首陳薦官降先是至正十八年土豪吉天章逼
昌化縣尹黃半山奪其印自尹其縣二十一年薦
官自稱元帥追出縣印令其下曾供山據之至是

昌化縣志

卷二

十一

乃降二年復梗化永樂三年差通判劉錦縣丞歐
可誠以本縣尚首符翰惠符儂王仝澹州王賢佑
等持勅親臨招撫我娘我溝等尚相率入朝授
賢佑土官同知翰惠儂王土官主簿劉錦陞知州
可誠推官專一撫黎不預他事後因侵害鴛鴦累
經奏聞裁革土官黎人由是歸于縣弘治十四年
符南蛇之亂本縣由北諸黎皆叛蛇象三百餘人
圍昌化千戶王韶大開城門受敵賊懼不敢攻伏
差伯毛鏡以兩廣兵十萬破其中堅蛇賊獨擁精

銳冒敵指揮周遠率昌化軍奮戰斬賊數夥蛇中
箭赴水死嘉靖二十年萬州黎酋那紅等入嶺脚
作亂都御史蔡經分三大哨進勦斬獲五千餘級
二十八年崖州黎那燕屢撫不下巡撫歐陽必進
分三哨抵其穴斬首五千三百有奇崇禎四年落
洒叛黎符那恩出行刦逃民蘇玄禮先為探路練
總鍾鼎勦擒解不數日符那恩等出打害山土舍
王創擒解即押取各逃民潛居黎崗者得首惡王
生昌人玄禮感人俱亡命入黎凡黎出沒東則玄

禮為導西則王生為導昌民素患之自二賊殄滅
而昌民舉首加額矣

昌邑黎岐二崗一曰大村崗土舍轄黎落洒我茄
可邦拐鎖金溲水頭溲梅一曰大員崗土舍轄黎
水尾鴉玉烏螺哥孫崇禎之季符那恩傳箭各近
黎鄉居取認其黎為衛刻箭為憑他黎不敢侵擾
二年償黎以牛一隻鹽帛若干名曰年例外民呼
衛我之黎曰郎黎呼外民之所認者曰仔隣黎有
忝越侵擾彼即搽命廝殺昌之黎情如此順治十

三年王翁生黎屢出抱驛都地方掠劫縣令陸觀
光城守何玉統兵夤夜截其要路斬黎賊首十餘
顆生擒大黎青令斬狗誓血刻箭為憑毋使要路
劫擄一也毋使焚村擅殺二也毋使倚林盜牛三
也毋使容隱逃民四也毋使狡逆土官五也數黎
得釋感恩畏嚴此一崗黎岐數年來不敢出順治
十四年因逃民久潛黎境導引落洒諸黎侵擾鄉
村縣令城守覓得故土舍王啟英之母張氏為首
毋着全差役葉志引至黎崗傳諭明年春氏帶落

洒峩茄拐鎖可邦溲梅茂村之黎數百黎到縣投
誠縣令城守賞給花紅鹽牛仍令誓血刻箭如約
衆黎額首以歸即搜逐逃民導黎為患者如蕭三
蒙大蒙四蘇民仰符兆麟等解縣鞭死示衆自是
導謀之萌稍息康熙四年王翁黎岐侵擾迨近北
黎都松榭赤又村縣令嚴于屏懲其酋首符從昱
報道府黎岐來服

附叅將俞大猷圖說 黎岐居于三州十縣之中
我兵既集千谿萬徑皆可以通其巢穴無一次不

收其成功惜乎自古以來皆止有防于賊勢方張之時而不駕馭于摧敗之後能損大征之財數千萬于賊未平之先而斬經畧之財數十萬于善後之際其長養積聚之久復如前日之盛一有所激復聚為亂仍動大兵以勦之費用之多殺戮之慘元氣之傷亦其勢之所必至耳本職歷遍各崗備覽形勢如羅活崗宜立叅將府遷崖州千戶所于其內抱顯村宜增設一縣古鎮州宜立屯所仍各築城穿池以垂永久之規于儋州之推抱村宜遷

昌化縣誌

卷三

古

鎮南巡檢司陵水之嶺脚崗宜遷騰橋之巡檢司瓊山之沙灣宜新設一巡檢司仍各築城穿池以為他日立州縣之基五年之後事宜已定漸次掣其土舍行令更為里長該管黎人就編屬之以為甲首納糧之外不得再加差役不數年間皆登州縣之版籍矣

附海南道林如焚島圖說 昔之畫黎者以征撫

為入門開十字路為實地今水會城即萬曆二十七年所平居十

錄之林沙灣也撫綏有官守禦有所敷教有塾通商

有市民黎熙熙已隱然州邑規模而又據諸獠腹
心矣東通萬陵西達儋感北出瓊定十字已丁矣
若踰五指而抵崖招村闢村招崗闢崗山澤氣通
混沌自判如凍解之後蟄虫悉啟戶而出則全島
與圖寧是十三州邑已哉

附廣東舉人海瑞平黎疏 奏為區處兵後地方
以絕後患圖久安事 臣竊見瓊州一府顛顛獨居
海中其地綿亘二千餘里黎岐中盤州縣濱海旋
于外譬之人黎岐心腹州縣四肢黎岐為寇是心

腹之疾也心腹之疾不除將必侵淫四潰而為四
肢之患州縣無久安之理古先聖王之寇亂征討
去不窮追蓋施之要荒之外與吾中國有所限隔
之地若瓊則內之黎岐與外州縣百姓雞犬相聞
魚鹽米貨相通其間雖多峻嶺叢林彼之出入往
來自有坦夷道路自國初以至今日弘治十四年
征儋州昌化縣黎嘉靖二十年征陵水縣崖州黎
嘉靖二十九年征感恩縣崖州黎凡三大舉兵每
舉調兩廣官兵十餘萬費銀數十萬兩竟不能使

黎寇警服迄今劫村殺人無歲月無有臣嘗博訪
附黎居慣行黎村人民近日大征踏路官兵皆稱
自崖州羅活崗抵瓊山縣大破頭營三日可至是
黎岐盤踞地不過方四百里而已區區方四百里
地不能一施剝撫安輯吾民何故武臣憚難畏寇
文臣仰望待遷圖目前苟安不為地方永久謀慮
黎小寇害則隱匿不申請大寇害調兵又苟且奏
功姑以應事塞責是以大兵一退即旋為州縣害
不少衰止若使從而計久長開通十字道路設縣

所城池中峙叅將府兵備道則立犄角之形成蚕
食之勢矣日磨月化今日寧復有黎岐乎故臣嘗
以為弘治十四年開道立縣可無嘉靖二十年大
征嘉靖二十年開道立縣可無二十九年大征大
征後開道立縣可無歲歲調勦年年守戍往不可
諫矣今日可及為也不然數年後必大變一大變
必用兵十餘萬必費銀數十萬兩必殘破地方必
毒痛赤子功虧一簣坐失事機將奚取哉

順治四年初復瓊郡委任昌化知縣張道元教諭
葉英典史焦燦然張道元苛酷激變民黎六月之
謀道元燦然自刎教諭葉英詳道委文昌二尹李
宏典史劉以節到任署事是年冬陞儋州所千戶
李藤符蔭襲何而強等集黨數百迫明李應高縣
知縣趙幼文坐僭遣亂兵三百餘人圍破昌城坐
激變逮宏以節返儋繫獄順治五年戊子春正月
趙幼文逆等招黨千餘據七坊調諸黎岐聯絡
土舍符虔志符夢被符其珍王啓雄等昌邑抵抗

荼毒無所倚賴二月紳衿符其初甄養明等里民
趙超文道脉等徭役黃英等赴儋共呈保李宏等
官回縣理事爲逆忿怒斬呈首貴衿符其初里民
趙超黃英等貴衿甄養明及里民以附名派重金
三月西署黃龍統兵破州趙幼文領賊千餘船是
月逆黃海洲陳武自雷廉派舟兵泊昌港濱十餘
巡其標楊挺羅明黃龍李亞塵趙幼文聚昌並月
黃龍羅明陷昌結吏民反奔伙七坊村時陳武偽
號總兵置職招賊收崖昌感恩派衆數千從感恩

古鎮州抵崖州樂安營據鎮以偽參將許大材渡海據瓊以流寓名宦朱國相署昌化縣事典史黃祚亨教諭陳樹猷各理縣務己丑年逆武盤踞西瓊崖昌感協黨盈萬置標百餘陳德孫輝等數十助逆肆惡勒索昌民或二三百金或五六百金牛帛財物盡其所有死者不可勝計逆武陞偽號宮保府遣標將楊挺鎮崖其妻蔣氏鎮樂安孫輝鎮感羅明據昌逆武統賊協黎岐破僭妻蔣氏偽號女總兵坐鎮朱國相相移署僭務章應忤繼任昌

事庚寅四月逆武自儋旋昌殺昌署章應忤偽立知縣林亨開徵錢糧辛卯二月逆武復踞昌偽號軍門壬辰順治九年瓊將遣將張士益降武武標陳德楊挺削髮領兵百餘赴郡効用武泊海投誠隨征是年八月蒙委署縣徐斌暉典史程起雲到任理務招撫鄉都順治十年癸巳三月部銓知縣歐陽思到任甫設催科順治十一年甲午六月初五日逆賊陳武復降偽安西王獨駕孤舟浮海泊昌港登岸時逆黨莊翼宇潛伏居昌城內應逆武

寅夜踰城殺戮城守李耀祖生擒知縣歐陽思奪
印據昌是月十五日瓊鎮右營王魁防僭遊擊徐
登雲協統大兵圍昌逆賊冲鋒即喪逆標一員黃
仕逆調原黨古鎮州黃樂吾王清一等樂安營彭
信古陳守泰陳進標等統領各屬賊黨黎岐鳩集
嚮昌調感恩縣知縣張昌久馳印投誠立為昌令
追徵稅餉兩置學職陸鼎新張聯奎提調昌衿通
勒取餉又調崖州驛官伏得勝解印歸順克署感
邑捕務催運兵糧八月十二日偽逆王仕鶚漂船

昌化縣誌

卷三

九

七隻到昌據港稱瓊南知府登岸是月十五日征
勦王魁徐登雲等復統大兵圍昌困武偽知府王
仕鶚棄船奔古鎮州入崖黎穴十月初七日城內
藩下張孫二將領官兵戰船舳舻相啣漂海入港
合攻是晚城破逆賊衆皆授首武跳城南嚮僭州
征將林貴獲其首級獻捷防僭遊擊徐登雲撥標
甘進孝防守昌化復用原任典史程起雲理捕務

時事附

康熙十二年平西王吳三桂叛遣開平偽知縣韓

洪偵探粵東水陸地方情形引西賊馬雄入寇安
達公尚之信迫父身殞從逆瓊屬三州十縣亦皆
降逆昌化知縣高曰旦先故訓導莫恒吉城守盧
儀典史葉拱宸俱受偽職繳印至康熙十五年歸
正十八年八月另造縣學新印頒發到縣 聞之
忠臣不事二君知有國而不知有身者不謂食人
之祿受人之職全軀從逆比比皆然也

康熙十四年防守昌兵乘亂擾攘挾制官司取餉
訓導莫恒吉孤身沿鄉勸諭士民捐餉散緝方得

昌化縣誌

卷三

二

安靜 噫國家養兵不聽拘束一旦有事劫官奪
民所謂無制之兵不可用也康熙二十年亢旱五
穀失收昌米騰貴通縣茹草食水始得聊生所謂
大兵之後必有凶年理或然也

按昌事往無稽己自明興洪武年來歷倭歷黎歷
賊歷兵有十年五年不罹金革之禍者乎亂離瘼
矣奚其適歸抑昌之與各屬勢殊而衰必不可起
弊必不可救者其端有二自永樂九年指揮徐茂
築城制獨堅完固故嘯聚者勢在必爭賊至兵遁

昔慶崇墮今悲戰場矣累一自順治五年變亂未
休士民無主故順治十三年各屬告荒皆蒙豁免
而昌人凋弊日甚無由上控遂致以二百九十一
頃之見田而賠一百五十餘頃之虛稅以二百一
十之見戶而賠一百有奇之絕丁累一此皆
上憲所不及料

朝廷所不及聞小民所不敢告有司所不敢詳者也
搦管傷心吞聲飲血此荒疲之地猶列縣治之後
謂之何哉